



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 77. Hungari Mugaciensi prælio cæsi, eorumque Rex occisus.

---

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

Sæcul. XVI.  
A.C. 1526.

§. LXXVII.

*Hungari Mugaciensi Prælio cæsi, eorumque Rex occisus.*

*Paul. Jo. in  
elog.  
Steph. Bro-  
der post Bon-  
fin.*

**D**um interea de suppetiis Ludovico Hungariæ Regi ferendis ultro citroque conferebatur, Solimanus hujus conditiones infestis armis invasit, pluresque urbes occupavit. Vix Christiana acies triginta millium Hungarorum numerum explebat, & nihilominus Ludovicus nonnisi viginti duorum annorum adolescens bellici periculi ignarus, se repellendis Turcarum progressibus parem existimabat, quocirca non modo pacem sibi paulo ante a Solimano oblatam acceptare renuit, sed etiam adventanti hosti castra obviam promovit; selegit exercitus sui Ducem Paulum Tomoremum, quocum ipse prælii curam partiebatur. Die vigesima octava Augusti initium pugnæ datur, sed infausito admodum Hungarorum successu; quippe nondum tertia horæ pars effluxerat, cum jamjam Hungari magna clade profligarentur, non tam infidelium fortitudine devicti, quam eorum numero protriti. Cecidere ex nobilissimis Regni Proceribus quam plurimi tam Ecclesiastici, quam Sæculares. Ipse etiam Rex adolescens, postquam præclara admodum

dum fortitudinis suæ, atque intrepidi animi specimina edidisset, concubia nocte solus aufugere compellebatur. Cum vero procellæ atrocius sævirent, ipse itineris Duce destitutus, in quamdam paludem incidit, ubi cum illius equus limo profundius immergeretur, Rex misere suffocatus interiit.

Sæcul XVI.  
A C. 1526.

Alterâ die Solimanus mille quingentos, omnes ferme primæ nobilitatis viros, qui prælio capti erant, in circulo collocari, atque in conspectu victricis exercitus capite plecti jussit, eodemque tempore qua longe lateque procurrit Danubius, omnia ferro, & igne miscebat. Insuper Alba Regalis, a qua urbe incolæ aufugerant, militum deprædationi relicta continenti incendio absumebatur, eodemque fato destructa fuit celebris illa Bibliotheca, quam Mathias Rex immensis pene sumptibus undique collegerat. Sola Regia flammæ furorem evasit. Ab ea tamen Solimanus omnem magis splendidum apparatus, & binas præstantissimi operis columnas, præter Apollinis, Dianæ & Herculis statuas auferri, atque Constantinopolin abductas ibidem erigi præcepit. Referunt nonnulli, Barbarum hunc Principem lacrimis haud temperasse, dum veras Ludovici Regis, & Mariæ Austriacæ, quæ  
illius

Sæcul. XVI. illius Conjux ac Caroli V. Soror erat,  
 A.C. 1526. effigies conspexerat, simulque adversam  
 Regis hujus fortem miseratum, ita ex-  
 clamasse: „Palam profiteor, me Hun-  
 „gariam non invasisse, Ludovico Reg-  
 „num Patris sui eripiendi animo, sed  
 „unice, ut Hungarorum insolentiam,  
 „compescerem, eorumque Regnum Ot-  
 „tomannico Imperio obnoxium redde-  
 rem.„ Testatur Paulus Jovius: *Corpus*  
*Ludovici Regis ab armigero suo mox arena*  
*fuisse contectum, ne ejus cadavere armisque*  
*Paul. Jov. regis potiretur hostis, post multos vero dies*  
*in elog. Lud. repertum, eo quo potuit funeris honore Al-*  
*bam regalem translatum in sepulcro Hunga-*  
*riæ Regum fuisse reconditum.*

## §. LXXVIII.

*Contentio de jure Successionis in Hun-*  
*garicæ Regnum.*

Cum Ludovicus sine liberis decederet,  
 ingens inde exorta est contentio in-  
 ter Ferdinandum Austriæ ducem, & Jo-  
 annem Zapolum Cepusii Comitem ac  
 Transylvaniæ Præfectum. Contende-  
 bat Ferdinandus, sibi non modo Hun-  
 garicæ, sed & Bohemiæ Regnum debe-  
 ri, eoquod Annæ, quæ Ludovici de-  
 functi Regis Soror erat, Maritus esset,  
 atque insuper hac de re a suis Præde-  
 cessoribus pactum cum Mathia, & Ula-  
 dislao

*Ishuanff de*  
*Reb. Hung.*  
 l. 9.

*Neugobod.*  
*hist. Poloniae*  
 lib. 17.